

Na osnovu člana 14. stav 2. Uredbe o reviziji prethodno izvršenih vlasničkih transformacija ("Službene novine Federacije BiH", broj 1/98), federalni ministar finansija – federalni ministar finansija, donosi

**UPUTSTVO
O SADRŽAJU I OBLIKU ZAPISNIKA O IZVRŠENOJ REVIZIJI I RJEŠENJA O
REZULTATIMA REVIZIJE PRETHODNO IZVRŠENE VLASNIČKE
TRANSFORMACIJE**

I - OPŠTE ODREDBE

1. Ovim uputstvom propisuje se jedinstveni sadržaj i oblik zapisnika o izvršenoj reviziji prethodno izvršene vlasničke transformacije (u daljnjem tekstu: zapisnik) i rješenje o rezultatima revizije prethodno izvršene vlasničke transformacije (u daljnjem tekstu: rješenje) u skladu sa Uredbom o reviziji prethodno izvršenih vlasničkih transformacija ("Službene novine Federacije BiH", broj 1/98, u daljnjem tekstu: Uredba).

Po svim pitanjima vezanim za sadržaj i oblik zapisnika i rješenja, koja nisu uređena ovim uputstvom, shodno se primjenjuju odredbe Zakona o upravnom postupku ("Službene novine Federacije BiH", broj 2/98).

2. Revizor iz člana 4. Uredbe (u daljnjem tekstu: Revizor) i ovlašteno lice koje obavlja reviziju po ovlaštenju Revizora (u daljnjem tekstu: ovlašteno lice) dužni su se pridržavati propisanog oblika, sadržaja, obaveznih elemenata i redoslijeda elemenata zapisnika i rješenja propisanih ovim uputstvom.

II - SADRŽAJ I OBLIK ZAPISNIKA

3. O vršenju revizije, svim važnijim radnjama u toku revizije i o činjeničnom stanju utvrđenom revizijom, ovlašteno lice sastavlja zapisnik koji obavezno sadrži:

- 1) naziv Revizora, broj i datum zapisnika;
- 2) uvodni dio, sa podacima o predmetu revizije, ovlaštenom licu, mjestu i vremenu vršenja revizije, preduzeću kod koga se vrši revizija (u daljnjem tekstu: preduzeće), odgovornim licima preduzeća i licima koja prisustvuju reviziji;
- 3) sve radnje i opažanja u postupku revizije i utvrđeno stanje sa pravnog, finansijskog i računovodstvenog aspekta, uz odgovarajuća obrazloženja i uz navođenje dokaza na osnovu kojih su utvrđena stanja, vrijednosti i struktura kapitala;
- 4) ispravke knjiženja po osnovu svih pojedinačnih finansijsko-računovodstvenih nepravilnosti konstatovanih u postupku revizije, kao i rekapitulaciju svih ispravki po stanju na dan 31. 12. 1991. i 31. 12. 1997. godine;
- 5) uporedne preglede knjigovodstvenih vrijednosti i relativnog učešća pojedinih vlasničkih vidova kapitala, po podacima iz poslovnih knjiga i računovodstvenih iskaza preduzeća i po podacima utvrđenim revizijom, po stanju na dan 31. 12. 1991 i 31. 12. 1997. godine;
- 6) zbirnu ocjenu pravilnosti provedenog postupka prethodno izvršene vlasničke transformacije sa pravnog, finansijskog i računovodstvenog aspekta;

7) sadržaj primjedbi iznesenih u vezi sa postupkom revizije i stanjem utvrđenim revizijom, sa izjašnjenjem ovlaštenog lica o tim primjedbama, odnosno konstataciju da nisu stavljene nikakve primjedbe;

8) potpis odgovornog lica preduzeća i potpis ovlaštenog lica.

4. Pored dijelova i elemenata iz tačke 3. ovog uputstva, zapisnik prema potrebi treba da sadrži i druge elemente, konstatacije, obrazloženja, dodatke, priloge i sl., koji su od značaja za:

- potpunu i osnovanu ocjenu pravilnosti postupka prethodno izvršene vlasničke transformacije preduzeća sa pravnog, finansijskog, računovodstvenog ili drugog relevantnog aspekta;

- tok vršenja revizije i radnje koje u postupku revizije preduzima ovlašteno lice, preduzeće, Revizor ili druga lica;

- donošenje rješenja;

- daljnji postupak utvrđivanja vrijednosti i vlasničke strukture kapitala preduzeća u skladu sa propisima o privatizaciji preduzeća i propisima o početnom bilansu.

5. Propisuje se slijedeći obavezan oblik i sadržaj zapisnika:

(naziv i sjedište Revizora)

Broj: UP-I-01-----/98

-----,-----1998. godine

**ZAPISNIK
O IZVRŠENOJ REVIZIJI PRETHODNO IZVRŠENE VLASNIČKE
TRANSFORMACIJE**

kod _____
(puni naziv, sjedište i adresa preduzeća)

Zapisnik je sačinjen na osnovu odredbi člana 4. st. 1. i 3. Uredbe o reviziji prethodno izvršene vlasničke transformacije ("Službene novine Federacije BiH", broj 1/98), u predmetu revizije prethodno izvršene vlasničke transformacije.

Reviziju je vršilo

(naziv i sjedište Revizora)

preko svojih ovlaštenih lica:

1) _____, po ovlaštenju broj _____ od ___ 1998. godine,

2) _____, po ovlaštenju broj _____ od ___ 1998. godine, itd.,

u poslovnim prostorijama preduzeća

Ispred preduzeća, reviziji su prisustvovali:

- 1) _____, direktor preduzeća,
 - 2) _____,
 - 3) _____, itd.
- (ime, prezime i radno mjesto)

Revizija je vršena u vremenu

(podaci o početku i završetku revizije, kao i prekidima u toku revizije)

Revizijom je utvrđeno sljedeće:

Napomena: U nastavku zapisnika, pridržavajući se redoslijeda tačaka koje slijede, navodi se tačan i kratak tok, sadržaj, postupak i rezultati revizije, uz navođenje isprava i drugih dokaza upotrebljenih za utvrđivanje potrebnih knjigovodstvenih vrijednosti i stanja.

Prema potrebi, isprave se prilažu zapisniku. Obavezan prilog zapisniku su:

bilans stanja na dan 31. 12. 1991 i 31. 12. 1997. godine i
obračuni rasporeda svih onih elemenata knjigovodstvene vrijednosti privatnog kapitala koji nisu navedeni u samom zapisniku
(obračuni ostvarenog popusta, prosječnih stanja kapitala i rasporeda revalorizacionih rezervi, rasporeda dobiti i dr.).

1. REVIZIJA SA PRAVNOG ASPEKTA

Napomena: U ovom dijelu zapisnika konstatuju se radnje iz člana 6. stav 1. Uredbe i činjenično stanje utvrđeno na osnovu dokumentacije i podataka iz tačke 14. pod a) Uputstva o načinu prijavljivanja, potrebnim podacima i dokumentaciji i o postupku revizije prethodno izvršene vlasničke transformacije.

1.1. Odluke i druga akta o vlasničkoj transformaciji

1.2. Vrijednost početnog društvenog kapitala i predviđena vrijednost emisije

1.3. Provedeni postupak upisa i upisani iznos internih dionica (udjela)

1.4. Statusne promjene i upisi u sudski registar

1.5. ostalo, prema potrebi -----

2. REVIZIJA SA FINANSIJSKO-RAČUNOVODSTVENOG ASPEKTA

Napomena: - U ovom dijelu zapisnika konstatuju se radnje iz člana 6. st. 2. i 3. Uredbe i činjenično stanje utvrđeno na osnovu dokumentacije i podataka iz tačke 14. pod b) i c) Uputstva o načinu prijavljivanja, potrebnim podacima i dokumentaciji i o postupku revizije prethodno izvršene vlasničke transformacije. Redoslijed i naziv pojedinih tačaka ovog dijela zapisnika treba da odgovara redoslijedu i nazivu rednih brojeva iz tabele Prijave za reviziju.

- Po stanju na dan 31. 12. 1991. i 31. 12. 1997. godine, obavezni su uporedni pregledi knjigovodstvenih vrijednosti i strukture kapitala, po poslovnim knjigama i po nalazu revizije, u obliku date tabele.

- Za utvrđena odstupanja evidentiranih stanja i vrijednosti, u odnosu na stanja i vrijednosti utvrđene u postupku revizije, u zapisniku se daju i odgovarajuće knjigovodstvene ispravke.

Na primjer: Duguje _____ kapital _____ (iznos)
Duguje _____
Potražuje _____ i sl.

- Sve izvršene ispravke knjigovodstvenih vrijednosti sredstava i izvora sredstava obavezno se obrazlažu u zapisniku, uz izvođenje odgovarajućih obračuna i drugih potrebnih dokaza, sa pozivom na propis na osnovu kojeg se ispravka vrši i dokumentaciju na osnovu koje su odstupanja utvrđena.

- Po stanju na dan 31. 12. 1991 i 31. 12. 1997. godine obavezna je rekapitulacija svih do tada izvršenih ispravki, po kantonima.

A) STANJE NA DAN 31. 12. 1991. GODINE

2.1. Efektivne otplate po Zakonu o društvenom kapitalu

2.2. Izdvajanja u interne dionice po Zakonu o ličnim dohocima

2.3. Ukupno otplate i izdvajanja

itd, prema rednim brojevima tabele Prijave -----

2.13. Ukupno kapital po stanju na dan 31. 12. 1991. godine

Rekapitulacija ispravki po stanju na dan 31. 12. 1991. godine (u dinarima):

KONTO		IZNOS	
Duguje	Potražuje	D u g u j e	P o t r a ž u j e
U K U P N O :			

Vrijednost i struktura kapitala po stanju na dan 31. 12. 1991. godine (u dinarima):

Red. broj	Konto (Grupa k.)	O P I S	Po poslovnim knjigama	Po nalogu revizije	Razlike (+,-)3-4
1	2	3	4	5	5
1	90	Poslovni fond			
2	97	Fond zajedničke potrošnje			
3	98	Ostali vanposlovni izvori			
4		Ostali društveni kapital			
5		DRUŠTVENI KAPITAL (1 DO 4)			
6	910, 911	Dionički kapital			
7	917	Inokosni kapital			
8		Ostali privatni kapital			
9		PRIVATNI KAPITAL (6 DO 8)			
10	920 do 923	Rezerve			
11	924	Neraspoređena dobit			
12	05	Nepokriveni gubitak			
13		Nenominirani kap. (10+11 -12)			
14	913, 914	Trajni ulozi			
15	96	Stambeni fond			
16		SVEGA KAPITAL (5+9+13 DO 15)			

B) STANJE NA DAN 31. 12. 1997. GODINE

2.14. Prenesena vrijednost privatnog kapitala 31. 12. 1991. (denominirano)

2.15. Povećanja vrijednosti privatnog kapitala od 1. 1. 1992. do 31. 12. 1997. godine

a) Revalorizacionim rezervama

b) Rasporedom dobiti

-----, itd.

2.16. Smanjenja vrijednosti privatnog kapitala od 1. 1. 1992. do 31. 12. 1997. godine

a) Evidentirane ratne štete

b) -----, itd.

2.17. Ukupno privatni kapital 31. 12. 1997. godine

-----, itd.

2.24. Ukupno kapital 31. 12. 1997. godine

Rekapitulacija ispravki po stanju na dan 31. 12. 1997. godine (u KM ili HRK):

K O N T O		I Z N O S	
Duguje	Potražuje	D u g u j e	P o t r a ž u j e
U K U P N O :			

Vrijednost i struktura kapitala po stanju na dan 31. 12. 1997. godine (u KM ili HRK):

Red. Broj	Konto (Grupa k.)	OPIS	Po poslovnim knjigama	Po nalogu revizije	Razlike (+,-)3-4
1	2	3	4	5	5
1	800	Društveni kapital		-	
2	810	Državni kapital			
3	83 (dio)	Ostali državni kapital			
4		DRŽAVNI KAPITAL (1 DO 3)			
5	82	Dionički kapital			
6	83 (dio)	Ostali privatni kapital			
7	84	Inokosni kapital			
8		PRIVATNI KAPITAL (5 DO 7)			
9	88	Nenominirani kapital			
10	83 (dio)	Trajni ulozi			
11	dio 80,81,882	Stambeni fond			
12		UKUPNO KAPITAL (4+8 DO 11)			

3. OCJENA PRAVILNOSTI POSTUPKA VLASNIČKE TRANSFORMACIJE

Revizijom prethodno izvršene vlasničke transformacije utvrđeno je da je _____ preduzimalo postupke i radnje vlasničke transformacije po Zakonu o _____, pri čemu je:

- pravilno-nepravilno proveden pravni postupak vlasničke transformacije;
- pravilno-nepravilno provedena vlasnička transformacija sa finansijskog aspekta;
- pravilno-nepravilno iskazana knjigovodstvena vrijednost i vlasnička struktura kapitala u poslovnim knjigama i bilansu stanja na dan 31. 12. 1997. godine.

Obrazloženje: -----

Knjigovodstvena vrijednost i vlasnička struktura kapitala po stanju na dan 31. 12. 1991 i 31. 12. 1997. godine

Red. broj	KAPITAL	31.12.1991. GODINE (u dinarima 31.12.1991.)		31.12.1997. GODINE (u KM ili HRK)	
		Vrijednost	Učešće (%)	Vrijednost	Učešće (%)
1	2	3	4	5	6
1	Državni kapital				
2	Privatni kapital				
3	Nenominirani kapital				
4	Ostalo (trajni ulozi ili sl.)				
5	Stambeni fond				
6	UKUPNO KAPITAL				

Zapisnik je pročitan licima prisutnim reviziji, koja su iznijela slijedeće primjedbe:

(sadržaj iznesenih primjedbi i obrazloženje razloga njihovog prihvatanja ili odbijanja u postupku revizije, odnosno konstatacija da nisu stavljene nikakve primjedbe)

Odgovorno lice preduzeća:

Ovlašteno lice:

III - SADRŽAJ I OBLIK RJEŠENJA

6. Na osnovu zapisnika iz tačke 5. ovog uputstva, odgovorno lice Revizora donosi rješenje koje obavezno sadrži:

1) naziv Revizora, broj i datum rješenja,

2) uvodni dio;

3) dispozitiv (izreku), koji obavezno sadrži:

- ocjenu pravilnosti provedenog postupka prethodno izvršene vlasničke transformacije preduzeća sa pravnog, finansijskog i računovodstvenog aspekta;

- pregled knjigovodstvenih vrijednosti i relativnog učešća pojedinih vlasničkih vidova kapitala, po stanju na dan 31. 12. 1991. i 31. 12. 1997. godine;

- naloge za ispravke knjiženja, a u cilju svođenja vrijednosti po poslovnim knjigama preduzeća na knjigovodstvene vrijednosti utvrđene revizijom po stanju na dan 31. 12. 1997. godine;

4) obrazloženje, koje obavezno sadrži:

- obrazloženje ocjene pravilnosti provedenog postupka prethodno izvršene vlasničke transformacije preduzeća, date u dispozitivu;

- uporedne preglede vrijednosti i strukture kapitala, po stanjima iskazanim u poslovnim knjigama i računovodstvenim iskazima preduzeća i po podacima utvrđenim revizijom, po stanju na dan 31. 12. 1991 i 31. 12. 1997. godine;
 - osnovne razloge svih naloga za ispravke knjiženja datih u dispozitivu, uz poziv na činjenično stanje konstatovano zapisnikom i na propise na osnovu kojih su utvrđena odstupanja;
- 5) pregled (rekapitulaciju) ispravki za knjiženje po stanju na dan 31. 12. 1997. godine, po kontima;
- 6) uputstvo o pravnom lijeku;
- 7) potpis odgovornog lica Revizora i pečat Revizora.

7. Pored dijelova i elemenata iz tačke 6. ovog uputstva, rješenje prema potrebi treba da sadrži i druge elemente i podatke koji su od značaja za ukupnu ocjenu pravilnosti postupka prethodno provedene vlasničke transformacije preduzeća, za izvršenje rješenja, kao i za daljnji postupak utvrđivanja vrijednosti i vlasničke strukture kapitala preduzeća u skladu sa propisima o privatizaciji preduzeća i propisima o početnom bilansu.

8. Propisuje se slijedeći obavezan oblik i sadržaj rješenja:

(naziv i sjedište Revizora)

Broj UP-I-02 _____/98
_____, _____ 1998. godine

(naziv i sjedište Revizora)

u predmetu revizije prethodno izvršene vlasničke transformacije
kod _____
(puni naziv, sjedište i adresa preduzeća kod koga je vršena revizija)

Na osnovu člana 4. st. 1. i 3. Uredbe o reviziji prethodno izvršenih vlasničkih transformacija ("Službene novine Federacije BiH", broj 1/98), a u vezi sa članom 5. Zakona o privatizaciji preduzeća ("Službene novine Federacije BiH", broj 27/97) i članom 200. Zakona o upravnom postupku ("Službene novine Federacije BiH", broj 2/98), donosi

RJEŠENJE
O REZULTATIMA REVIZIJE PRETHODNO IZVRŠENE VLASNIČKE
TRANSFORMACIJE

kod _____

(puni naziv, sjedište i adresa preduzeća kod koga je vršena revizija)

1. Revizijom prethodno izvršene vlasničke transformacije utvrđeno je da je

(puni naziv, sjedište i adresa preduzeća kod koga je vršena revizija)
(u daljnjem tekstu: _____) preduzimalo postupke i

(skraćeni naziv i sjedište preduzeća)

radnje vlasničke transformacije po prethodnim propisima, pri čemu je:

- pravilno-nepravilno provelo pravni postupak vlasničke transformacije;

- pravilno-nepravilno provelo vlasničku transformaciju sa finansijskog aspekta;

- pravilno-nepravilno iskazalo knjigovodstvenu vrijednost i vlasničku strukturu kapitala u svojim poslovnim knjigama i bilansu stanja na dan 31. 12. 1997. godine.

2. Utvrđuje se knjigovodstvena vrijednost i vlasnička struktura kapitala _____
_____ po stanju na dan 31. 12. 1991. i 31. 12. 1997. godine:

Red. broj	KAPITAL	31.12.1991. GODINE (u dinarima 31.12.1991.)		31.12.1997. GODINE (u KM ili HRK)	
		Vrijednost	Učešće (%)	Vrijednost	Učešće (%)
1	2	3	4	5	6
1	Državni kapital				
2	Privatni kapital				
3	Nenominirani kapital				
4	Ostalo (trajni ulozi ili sl.)				
5	Stambeni fond				
6	UKUPNO KAPITAL				

3. Nalaže se da _____, radi usklađivanja knjigovodstvene vrijednosti i vlasničke strukture kapitala iskazane u svojim poslovnim knjigama na dan 31. 12. 1997. godine sa stanjem utvrđenim revizijom, izvrši sljedeće:

3.1. Poveća knjigovodstvenu vrijednosti _____ kapitala za iznos od _____,

3.2. Smanji knjigovodstvenu vrijednost _____

3.3. _____, itd.

Napomena: U ovom dijelu dispozitiva opisno se nalažu povećanja odnosno smanjenja knjigovodstvenih vrijednosti sredstava, kao i obaveza prema izvorima sredstava, po svim vrstama sredstava i izvora za koje su revizijom utvrđena odstupanja od iskazanih knjigovodstvenih vrijednosti, a prema konačnoj rekapitulaciji ispravki po stanju na dan 31. 12. 1997. godine iz zapisnika o izvršenoj reviziji.

4. U skladu sa nalogima iz tačke 3. dispozitiva, _____ će izvršiti odgovarajuća knjiženja u svojim poslovnim knjigama za 1998. godinu.

5. Analitičke evidencije privatnog kapitala, _____ će usaglasiti sa knjigovodstvenom vrijednošću privatnog kapitala utvrđenog revizijom.

6. Naloga iz tač. 3. do 5. dispozitiva, _____ će izvršiti u roku od 15 (petnaest) dana od dana dostavljanja rješenja.

Obrazloženje

Po podnesenoj prijavi za vršenje revizije,

(naziv i sjedište Revizora)

je izvršilo reviziju prethodno izvršene vlasničke transformacije kod

_____,
o čemu je sačinjen zapisnik broj: UP-I-01 _____/98 od _____ 1998. godine.

Reviziju je izvršilo ovlašteno lice (ovlaštena lica)

Navodi i nalozi iz dispozitiva ovog rješenja zasnivaju se na činjeničnom stanju utvrđenom revizijom i konstatovanom navedenim zapisnikom, i to:

Ad.1.)

Napomena: U obrazloženju tačke 1. dispozitiva ukratko se obrazlaže opšta ocjena o pravilnosti-nepravilnosti provedenog postupka prethodno izvršene vlasničke transformacije u pravnom, finansijskom i računovodstvenom pogledu. Bliže obrazloženje utvrđenih nepravilnosti daje se u obrazloženju tačke 3. dispozitiva, u obrazloženju razloga odstupanja knjigovodstvenog stanja od stanja utvrđenog revizijom.

Ad.2.) Revizijom su utvrđene slijedeće knjigovodstvene vrijednosti i vlasnička struktura kapitala:

A) STANJE 31. 12. 1991. GODINE (u dinarima 31. 12. 1991. godine)

Red. broj	Konto (Grupa k.)	O P I S	Po poslovnim knjigama	Po nalogu revizije	Razlike (+,-) 3-4)
1	2	3	4	5	5
1	90	Poslovni fond			
2	97	Fond zajedničke potrošnje			
3	98	Ostali vanposlovni izvori			
4		Ostali društveni kapital			
5		DRUŠTVENI KAPITAL (1 DO 4)			
6	910, 911	Dionički kapital			
7	917	Inokosni kapital			

8		Ostali privatni kapital			
9		PRIVATNI KAPITAL (6 DO 8)			
10	920 do 923	Rezerve			
11	924	Neraspoređena dobit			
12	05	Nepokriveni gubitak			
13		Nenominirani kap. (10+11 -12)			
14	913, 914	Trajni ulozi			
15	96	Stambeni fond			
16		SVEGA KAPITAL (5+9+13 DO 15)			

B) STANJE 31. 12. 1997. GODINE(u KM ili HRK)

Red. Broj	Konto (Grupa k.)	OPIS	Po poslovnim knjigama	Po nalogu revizije	Razlike (+,-) 3-4
1	2	3	4	5	5
1	800	Društveni kapital		-	
2	810	Državni kapital			
3	83 (dio)	Ostali državni kapital			
4		DRŽAVNI KAPITAL (1 DO 3)			
5	82	Dionički kapital			
6	83 (dio)	Ostali privatni kapital			
7	84	Inokosni kapital			
8		PRIVATNI KAPITAL (5 DO 7)			
9	88	Nenominirani kapital			
10	83 (dio)	Trajni ulozi			
11	dio 80,81,882	Stambeni fond			
12		UKUPNO KAPITAL (4+8 DO 11)			

Napomena: Ako je potrebno, struktura prednjih tabela prilagođava se strukturi kapitala utvrđenoj revizijom. Iznosi razlika iz kolone 5 tabele po stanju na dan 31. 12. 1997. godine moraju odgovarati iznosima naloga iz tačke 3. dispozitiva koji se odnose na izmjenu knjigovodstvene vrijednosti kapitala, po vrstama.

Ad. 3.) Nalozi iz tačke 3. dispozitiva zasnivaju se na činjeničnom stanju utvrđenom revizijom i konstatovanom zapisniku o izvršenoj reviziji, i to:

Ad. 3.1.)

Ad.3.2.)

Ad.3.3.) _____, itd.

Napomena: -U ovom dijelu obrazloženja navode se razlozi odstupanja vrijednosti sredstava i izvora sredstava koje su utvrđene revizijom i konstatovane zaspisnikom o izvršenoj reviziji, u odnosu na stanja i vrijednosti iskazane u poslovnim knjigama preduzeća. Vrijednosti utvrđenih odstupanja prema nalogima iz tačke 3. dispozitiva obrazlažu se pojedinačno, po pojedinim vrstama sredstava i izvora sredstava, i uz navođenje propisa na osnovu kojih su izvršene korekcije u toku revizije. Obrazloženja po

tačkama obavezno sadrže i poziv na poglavlje, odjeljak, tačku i stranu zapisnika o izvršenoj reviziji, što je dokaz o osnovanosti i iznosu izvršenih korekcija.

- Obrazloženja onih tačaka iz dispozitiva kojima se nalaže povećanje ili smanjenje knjigovodstvene vrijednosti pojedinih oblika kapitala obavezno sadrže i rekapitulaciju korekcija tog kapitala po pojedinim osnovama, na primer:

"Knjigovodstvena vrijednost _____ kapitala revizijom je uvećana za ukupan iznos od _____, a kao rezultat: uvećanja za iznos od _____, po osnovu _____ (tačka _____, str _____ zapisnika), smanjenja za iznos od _____, po osnovu _____ (tačka _____, str _____ zapisnika), uvećanja za iznos od _____, po osnovu _____ (tačka _____, str _____ zapisnika)", itd.

- Iznos povećanja, odnosno smanjenja knjigovodstvenih vrijednosti pojedinih oblika kapitala po ovoj rekapitulaciji moraju odgovarati iznosima iz kolone 5 tabele iz tačke
- Ad.2. obrazloženja, po stanju na dan 31. 12. 1997. godine.

Ad.4.) U cilju usklađivanja knjigovodstvenog stanja sredstava i izvora sredstava sa stanjem utvrđenim revizijom, _____ će u svom knjigovodstvu izvršiti slijedeća knjiženja:

K O N T O		I Z N O S	
Duguje	Potražuje	D u g u j e	P o t r a ž u j e
U K U P N O :			

Napomena: Ispravke knjiženja po kontima daju se u skladu sa Zakonom o računovodstvu i Računovodstvenim standardima, "Službene novine Federacije BiH", broj 2/95, a moraju odgovarati nalogima iz tačke 3. dispozitiva.

Ad.5.) Nakon izvršenih knjiženja iz tačke 3. dispozitiva _____ je, u smislu člana 22. Zakona o računovodstvu "Službene novine Federacije BiH", broj 2/95), dužan uskladiti analitičke evidencije privatnog kapitala sa knjigovodstvenom vrijednošću privatnog kapitala utvrđenom revizijom po stanju na dan 31. 12. 1997. godine. Prema potrebi, _____ je i druge analitičke evidencije koje vodi dužan usaglasiti sa promjenama sintetičkih stanja prema nalogima iz tačke 3. dispozitiva.

Ad.6.) Rok za izvršenje ovog rješenja dat je na osnovu člana 206. Zakona o upravnom postupku.

Protiv ovog rješenja _____, nadležna agencija za privatizaciju i dioničari mogu, u pisanoj formi, izjaviti žalbu u roku 15 (petnaest) dana od dana dostavljanja rješenja.

Pravo žalbe dioničara ostvaruje se putem preduzeća, odnosno direktno u ime najmanje jedne četvrtine dioničara.

Žalba se izjavljuje Federalnom ministarstvu finansija-Federalnom ministarstvu financija, a podnosi se putem Revizora.

M.P.

Odgovorno lice Revizora

Dostavljeno:

-preduzeću

-nadležnoj agenciji

9. Kod preduzeća koja su u periodu od 1. 1. 1992. do 31. 12. 1997. godine pretrpjela statusne promjene spajanja ili pripajanja ranijih pravnih lica, pored zbirnih elemenata i podataka o vrijednosti i strukturi kapitala po stanju na dan 31. 12. 1991. i 31. 12. 1997. godine za preduzeće kod koga se vrši revizija, zapisnik obavezno sadrži i odgovarajuće elemente i podatke sa stanjem na svake statusne promjene u periodu od 1. 1. 1992. do 31. 12. 1997. godine, za sva pravna lica koja su spojena ili pripojena, kao zbirno za pravno lice nastalo nakon tog spajanja ili pripajanja.

Za preduzeća iz stava 1. ove tačke, propisani podaci o vrijednosti i strukturi kapitala u rješenju se obezbjeđuju zbirno, za sva ranija pravna lica po stanju na dan 31. 12. 1991. godine, odnosno stanju na dan 31. 12. 1997. godine za preduzeće kod koga se revizija.

10. Za preduzeća koja su u periodu prije 31. 12. 1997. godine nastala podjelom ili dezintegracijom ranijeg pravnog lica, elementi i podaci o vrijednosti i strukturi kapitala obezbjeđuju se u zapisniku i rješenju za dio kapitala koji se odnosi na preduzeće koga se vrši revizija, po stanju na dan 31. 12. 1991. i 31. 12. 1997. godine.

11. Za preduzeća iz člana 5. stav 3. Uredbe, čija je dokumentacija djelimično ili u cijelosti uništena, oštećena ili nedostupna, zapisnik i rješenje će sadržavati maksimum elemenata i podataka su dostupni ili se mogu obezbijediti, kao i obim i razloge nemogućnosti obezbjeđivanja ostalih elemenata, podataka i dokumentacije.

PRELAZNE I ZAVRŠNE ODREDBE

12. Propisani oblik i sadržaj zapisnika i rješenja iz tač. 5. i 8. uputstva obavezan je i za preduzeća kod kojih je vršena reviziji iz člana 13. st. 1. i 2. Uredbe, s tim da se prilikom obrazlaganja pojedinih elemenata zapisnika i rješenja može vršiti pozivanje na nalaze prethodne revizije.

13. Zapisnik i rješenje revizor istovremeno dostavlja preduzeću i nadležnoj agenciji za privatizaciju (u daljnjem tekstu: agencija), u roku iz člana 9. stav 1. Uredbe.

14. Na zahtjev agencije, Revizor je dužan i dodatno obrazložiti nalaze izvršene revizije, odnosno dati stručni prijedlog o vrijednosti i strukturi kapitala preduzeća iz tačke 11. ovog uputstva na osnovu raspoloživih podataka, dokumentacije i drugih saznanja.

15. Danom stupanja na snagu ovog uputstva, na teritoriji Federacije Bosne i Hercegovine prestaje primjena svih provedbenih propisa i drugih akata koji su se do dana stupanja na snagu uputstva primjenjivali na teritoriji Federacije Bosne i Hercegovine.

16. Ovo uputstvo stupa na snagu osmog dana od dana objavljivanja u "Službenim novinama Federacije BiH".